

- Haec est illa deum iugiter generatio querens,
 Traduce de cuius te exortum prodis, amice.
 Dum cantare meas laudes contendis et odas,
 20 Dum famam nomenque meum dispergis in auras,
 Dum studium meritumque meum depromis in altum.
 Sic bona quæque geris tibi contulit inclita physis.
 Faut et hisce bonis rerum prudentia felix,
 Ante pilos tibi quæ uenit, tecum quoque gliscit,
 25 Te puerum fouit iuuenemque uirumque docebit,
 Si maneat te intra nec te quesieris extra,
 Si ceptis posthac studiis sudando fruaris,
 Si dorsum scuticis submiseris ipse poesis,
 Sique manum ferule subdlexeris inde sophiæ.
 30 Ast quia condignas nequeo tibi promere laudes,
 Saltem aliquas scribendo tuas uolo pandere uires,
 Quæ tamen has poterit dumtaxat prehendere lingua,
 Cum tibi uirtutum faueant insignia clara,
 Cum sis uir sapiens, quam magnis uiribus ardens,
 35 Pollens ingenio, sophyæ sectator amator,
 Fossor Pierium musarum semper amicus,
 Pierides cum te doctum fecere poetam.
 Te docuit Clio coniuncta sororibus octo,
 Felicis cum sis depastus prata capellæ,
 40 Philologiae te septem docuere puellæ.
 Ergo polum super adtollens caput erigis usque,
 Ast ego quem tetrīs tenebris inscitia condit,
 Tectus obumbrificor sophyæ ceu temptor et exors,
 Fonte caballino qui numquam labra peruncxi
 45 Stertens Parnasi nec unquam somnia creui,
 Philologiae quem numquam nouere ministræ,
 Despicio a doctis mentis uelud impos et artis,
 Ergo fouens latebram paueo sustollere cephal. Explicit.

III.

- 1 Dic suauis cithara, dic citharista
 Bertini populum cenobiumque
 Ereptum medio caelitus igne
 Te, Vincenti sacer, subueniente
 Tempestate moderna.
- 2 Inter septa sacra celsior aula
 Ardebat, crepitat flammea grando
 Ventis acta quatit culmina templi.
 Certant eruere sancta sacrorum:
 Tempus erat quadragesimæ.